

Menschen Herz ein solches Liecht / daraus die Bekehrung fließe /
und komme die H. Schrift / als Gottes Wort / nicht in die
Seele des Menschen / auch sey Christus bloß objective und signi-
ficative in der Schrift zu finden.

M.

MAGNIPHOSAURUS, anima mundi, Das geistliche Wesen
aller Dinge ab Eoptis sacrorum Mysticorum, videndo minus
videntibus & intelligendo minus intelligentibus, vocitatur. Redu-
cere huc amant Theosophi pactum Veteris & Novi Testamenti, &
somnia multijugis Böhmii palliandis utramque facere paginam. Tra-
duntur hic MANIFESTATIONES INTERNÆ Autoris Theologiæ
Comparativæ, quas Spiritui Sancto tribuit, quæque, in deterius
semper ruente seculo, ab irrogenitis percipi non potuerint; quo
nomine modus docendi homines de voluntate DEI per verbum ex-
ternum, idque satis crassum, corporeum, & per sensus demum externos
in mentem penetrans, a Deo in subsidium vocatus fuerit. Neve
id sine ratione docuisse videatur Impostor, causatur, vocem Spiri-
tus Sancti lenem esse, tranquillam ac submissam, levi sibilo in corda
regeneratorum sese insinuantem. Quasi vero Spiritus divinus per codi-
cis Biblici, ejusdemque scripti, salutarem usum nequeat esse tran-
quillus & lenis; & quasi nigellæ innoxiaque in chartis lineolæ ali-
quid impuritatis in se habeant, quo prohibeatur Spiritus Sanctus,
quo minus mentem suam nobis per illas manifestet. MARTYRI-
UM MYSTICUM, quod aliis dicitur purgatio passiva, per impedi-
mentum devotionis geminum describitur, partim per sublimem atque
eminentem tentationem, in derelictione divina, caligine mentis &
ariditate spirituali consistentem, partim per famem seu esuritionem
animæ infestam. Horsum agglutinant alii eremum & infernum,
de quibus jamdum antehac aliquid vidimus. MATRIMONIUM
cum DEO, A VIRGINIBUS FATUIS AFFECTATUM. Fœmina
quidem certe Gallica de Guion una cum afeclis ac Patronis, super
hoc conjugio aut matrimonio plane non est audienda, vel hanc
solum ob rationem, quoniam juxta expositionem illius anima, quæ
ad